

FIF - კრედიტ ბანკი, მიკრო, მცირე და საშუალო ზომის საწარმოების (SMEC) მხარდასაჭერად სესხი

ქვეყანა:	საქართველო
პროექტის ნომერი:	54112
ბიზნეს სექტორი:	სადეპოზიტო-საკრედიტო ინსტიტუტები (ბანკები)
გამოქვეყნების ტიპი:	კერძო
გარემოსდაცვითი კატეგორია:	FI
დამტკიცების თარიღი:	2022 წლის 29 ნოემბერი
სტატუსი:	დამტკიცებული
PSD-ს გამოქვეყნება:	2022 წლის 6 დეკემბერი

პროექტის აღწერა

კრედიტ ბანკისთვის გამოიყოფა 10 მილიონამდე აშშ დოლარის ოდენობის ლარში დენომინირებული სამწლიანი სესხი, რომელიც საქართველოში მიკრო, მცირე და საშუალო საწარმოების (MSME) დაფინანსებისთვის არის განკუთვნილი.

პროექტის მიზნები

შემოთავაზებული სესხი ხელს შეუწყობს ბაზრის ზოგიერთი ხარვეზის აღმოფხვრას როგორც მიწოდების (ადგილობრივი ვალუტით დაფინანსება), ასევე მოთხოვნის (MSME-ის ცოდნა და გამოცდილება) კუთხით. MSME-სთვის განკუთვნილი სესხი საშუალებას მისცემს კრედიტ ბანკს გააგრძელოს ადგილობრივი მიკრო, მცირე და საშუალო საწარმოებისთვის ინვესტიციების მხარდაჭერა, ადეკვატური ფასის მითითებით, ადგილობრივი ვალუტით საშუალოვადიანი დაფინანსების უზრუნველყოფის გზით, რომელიც კვლავ შეზღუდულია ბაზარზე. კრედიტ ბანკი გააგრძელებს რეგიონებიდან და გარეუბნებიდან მომხმარებლების მხარდაჭერას ფილიალებისა და საკონსულტაციო ქსელის მეშვეობით, ასევე ონლაინ კრედიტების გაცემის დამატებითი არხების გზით.

შუალედური შედეგი

ETI 60

პროექტი ხელს უწყობს ფინანსური შუამავლობის ფონდის (FIF) მიზნების მიღწევას, უზრუნველყოფს რა კონკურენტუნარიან გარემოს და მედეგობას. FIF ცდილობს (i) ხელი შეუწყოს მიკრო, მცირე და საშუალო საწარმოების (MSME) კონკურენტუნარიანობას ადგილობრივ ვალუტაში (LCY) დაფინანსების ხელმისაწვდომობის გაზრდით, და (ii) წვლილი შეიტანოს ფინანსური ინსტიტუტების კონკურენტუნარიანობის ამაღლებაში MSME-სთვის კრედიტის გაცემასთან დაკავშირებული სტრატეგიის, პროდუქტის ხარისხის, პროცესებისა და მარკეტინგის სფეროში ინოვაციების ხელშეწყობის გზით. ბანკების ადეკვატური გარანტიის (ანდერრაიტინგის) და რისკების მართვის პრაქტიკის უზრუნველყოფით, FIF ასევე ცდილობს ხელი შეუწყოს კრედიტის გაცემის მდგრადი პრაქტიკის დამკვიდრებას, რაც ფინანსური სისტემის მედეგობას განაპირობებს.

ინფორმაცია კლიენტის შესახებ

CREDO BANK JSC

კრედო ბანკი („კრედო“, „ბანკი“) არის საქართველოში მოქმედი კომერციული ბანკი, რომელიც ემსახურება მიკრო და მცირე საწარმოების ფინანსურ საჭიროებებს და ნელ-ნელა აღწევს საშუალო საწარმოების სეგმენტში. მას საქართველოს საბანკო სექტორში სიდიდის მიხედვით მე-5 ადგილი უკავია და საბანკო აქტივების 3%-ს შეადგენს. „კრედო“ ეკუთვნის სოციალურ გავლენაზე ორიენტირებულ ინვესტორებს, Access Holding (51.2%), Proparco (15%), ResponsAbility (17%) და Triodos Doen (16.8). %).

EBRD-ის დაფინანსების შეჯამება

10,000,000.00 დოლარი

პროექტის მთლიანი ღირებულება

10,000,000.00 დოლარი

გარემოსდაცვითი და სოციალური ასპექტების შეჯამება

FI კატეგორია (2019 წლის შეფასებით). კრედო ბანკი EBRD-ის ამჟამინდელი კლიენტია და გარემოსდაცვითი და სოციალური (E&S) მაჩვენებლები დღემდე არსებული პროექტების კონტექსტში კარგი იყო. კრედო ბანკმა შეიმუშავა და აამოქმედა პოლიტიკური და პროცედურული დოკუმენტების პაკეტი, მათ შორის გარემოსდაცვითი და სოციალური პოლიტიკა (E&S გამონაკლისების სიის ჩათვლით), ბიზნესის ეთიკის კოდექსი და საჩივრების მიღების ორი პროცესი. ეს და სხვა შიდა სისტემები აკმაყოფილებს EBRD-ის მოთხოვნებს შრომისა და

სამუშაო პირობებთან, ჯანდაცვასთან, უსაფრთხოებასა და უშიშროებასთან, და ასევე ფინანსურ შეამავლობასთან მიმართებაში. კრედო ბანკმა უნდა გააგრძელოს EBRD-ისთვის ყოველწლიური ანგარიშების მიწოდება გარემოსდაცვითი და სოციალური (E&S) მართვის სისტემების დანერგვისა და EBRD-ის გარემოსდაცვით და სოციალურ (E&S) მოთხოვნებთან შესაბამისობის შესახებ.

ტექნიკური თანამშრომლობა

არ არის

დამატებითი ფასეულობა

დაფინანსების სტრუქტურა: ადგილობრივ ვალუტაში დაფინანსება იმ პირობებით, რომლებიც ბაზარზე ხელმისაწვდომი არ არის.

სტანდარტის დადგენა: პროექტებისა და კლიენტების დახმარება უფრო მაღალი სტანდარტების მიღწევაში. კლიენტი გამოიყენებს EBRD-ის გამოცდილებას მაღალი ფინანსური სტანდარტების კუთხით, მათ შორის ფინანსური შეთანხმებების მეშვეობით.

კომპანიის საკონტაქტო ინფორმაცია

ნანა ტუღუში

ntughushi@credo.ge

0322424242

<https://credobank.ge/en/>

რ. თაბუკაშვილის ქ # 27, თბილისი, საქართველო

შუალედური შედეგი

დეტალური ინფორმაციის გაცნობა EBRD-ის შუალედური შედეგების გაზომვასთან დაკავშირებულ მიდგომაზე შესაძლებელია [აქ](#).

ბიზნეს შესაძლებლობები

ბიზნეს შესაძლებლობებისა და შესყიდვების თაობაზე დაუკავშირდით კლიენტ კომპანიას.

EBRD-თან ბიზნეს შესაძლებლობებთან დაკავშირებული ინფორმაციის მისაღებად (რაც არ უკავშირდება შესყიდვებს) დაუკავშირდით:

ტელ: +44 20 7338 7168

ელ. ფოსტა: projectenquiries@ebrd.com

სახელმწიფო სექტორის პროექტებზე ინფორმაციისთვის ეწვიეთ [EBRD Procurement](#).

ტელ.: +44 20 7338 6794

ელ. ფოსტა: procurement@ebrd.com

ზოგადი საკითხები

კონკრეტულ საკითხებთან დაკავშირებით ინფორმაციის მოთხოვნა შესაძლებელია [EBRD-ის ინფორმაციის მოთხოვნის ფორმის საშუალებით](#).

გარემოს დაცვისა და სოციალური საკითხების პოლიტიკა (ESP)

[ESP](#)-ითა და შესაბამისი შესრულების მოთხოვნებით (PR-ები) განსაზღვრულია EBRD-ის მიერ „გარემოს დაცვისა და მდგრადი განვითარების“ მიდგომის განხორციელების გზები. ESP და PR-ები მოიცავს კონკრეტულ დებულებებს, რომ კლიენტებმა დაიცვან ეროვნული კანონმდებლობის შესაბამისი მოთხოვნები საჯარო ინფორმაციისა და კონსულტაციების შესახებ, ასევე, შექმნან საჩივრების მექანიზმი დაინტერესებული მხარეების მხრიდან საკითხის წამოჭრის, საჩივრების მიღებისა და მართვის მიზნით, უფრო კონკრეტულად, კლიენტისა და პროექტის გარემოს დაცვისა და სოციალურ საქმიანობასთან დაკავშირებით. პროექტის ეკოლოგიური და სოციალური რისკებისა და ზემოქმედების ბუნებისა და მასშტაბის შესაბამისად, EBRD დამატებით მოითხოვს კლიენტებისაგან, რომ მათ, საჭიროებისამებრ, გააზიარონ ინფორმაცია პროექტების შედეგად წარმოქმნილი რისკების და ზემოქმედების შესახებ, ან ჩაატარონ არსებითი კონსულტაციები დაინტერესებულ მხარეებთან და განიხილონ და რეაგირება მოახდინონ მიღებულ უკუგებაზე.

დეტალური ინფორმაცია EBRD-ის საქმიანობასთან დაკავშირებით მოცემულია [ESP](#)-ში.

ერთიანი მიდგომა და სტანდარტების დაცვა

EBRD-ის მთავარი შესაბამისობის ოფიცრის ოფისი (OCCO) ხელს უწყობს კარგ მმართველობას და უზრუნველყოფს ბანკის საქმიანობის პროცესში უმაღლესი სტანდარტების შესრულებას საუკეთესო საერთაშორისო გამოცდილების გათვალისწინებით. ბანკის ყველა კლიენტის შემთხვევაში ტარდება კომპლექსური ტექნიკური კვლევა იმისათვის, რომ პროექტებმა არ შექმნან პრინციპების დარღვევის, ან რეპუტაციის შელახვის რისკი ბანკისათვის. ბანკი თვლის, რომ პრობლემების იდენტიფიცირება და მოგვარება პროექტის შეფასების ეტაპზე, ყველაზე ეფექტური საშუალებაა საბანკო ტრანზაქციების მთლიანობის უზრუნველსაყოფად. OCCO გადამწყვეტ როლს ასრულებს დამცავი ზომების გატარების პროცესში და ასევე, ხელს უწყობს პროექტებში ინვესტიციების განხორციელების შემდგომი რისკების მონიტორინგს.

OCCO ასევე პასუხისმგებელია თაღლითობის, კორუფციის და არასათანადო ქცევის შემთხვევების გამოძიებაზე EBRD-ის მიერ დაფინანსებულ პროექტებში. ნებისმიერმა ადამიანმა, ბანკის შიგნით თუ მის გარეთ, რომელსაც გაუჩდება ეჭვი თაღლითობასთან ან კორუფციასთან დაკავშირებით, წერილობითი ანგარიში უნდა გაუგზავნოს მთავარ შესაბამისობის ოფიცერს ელექტრონულ მისამართზე compliance@ebrd.com. თითოეულ ასეთ შემთხვევაში, OCCO დაიწყებს მოკვლევას. მოხდება თითოეული ანგარიშის, მათ შორის ანონიმურის, განხილვა. ანგარიში

შეიძლება დაიწეროს ბანკის რომელიმე სამუშაო ენაზე, ან იმ ქვეყნის ენაზე, სადაც ბანკი საქმიანობს. ბანკისათვის ინფორმაციის მიწოდება უნდა მოხდეს კეთილსინდისიერად.

ინფორმაციაზე წვდომის პოლიტიკა (AIP)

ინფორმაციაზე წვდომის პოლიტიკის დოკუმენტით, რომელიც ძალაში შევიდა 2020 წლის 1 იანვარს, განსაზღვრულია EBRD-ის მიერ ინფორმაციის გაზიარებისა და დაინტერესებულ მხარეებთან კონსულტაციის წარმოების გზები, ცნობიერების ამაღლებისა და ბანკის სტრატეგიის, პოლიტიკისა და ოპერაციების უკეთ გააზრების ხელშეწყობის მიზნით. EBRD-ის ვებგვერდზე ხელმისაწვდომი ინფორმაციის სანახავად, გთხოვთ, ეწვიოთ [ინფორმაციაზე წვდომის პოლიტიკის გვერდს](#).

კონკრეტული ინფორმაციის მოთხოვნა შესაძლებელია [EBRD-ის ინფორმაციის მოთხოვნის ფორმის გამოყენებით](#).

პროექტის ანგარიშვალდებულების დამოუკიდებელი მექანიზმი (IPAM)

თუ კლიენტთან, ან ბანკთან, გარემოს დაცვის, სოციალური ან საჯაროობის პრობლემების მოგვარების მცდელობა წარუმატებელია (მაგ., კლიენტის მიერ პროექტის დონის საჩივრების მექანიზმის საშუალებით, ან ბანკის მენეჯმენტთან უშუალო კომუნიკაციის გზით), ინდივიდებსა და ორგანიზაციებს შეუძლიათ მიმართონ EBRD-ის პროექტის ანგარიშვალდებულების დამოუკიდებელ მექანიზმს (IPAM).

IPAM დამოუკიდებელად განიხილავს პროექტის ირგვლივ წამოჭრილ იმ საკითხებს, რომლებმაც გამოიწვიეს, ან შესაძლოა, გამოიწვიონ ზიანი. მექანიზმის მიზანია - პროექტის დაინტერესებულ მხარეებს შორის დიალოგის ხელშეწყობა გარემოს დაცვის, სოციალური და საჯაროობის საკითხების გადასაჭრელად; ასევე, იმის დადგენა, არის თუ არა ბანკი შესაბამისობაში [გარემოს დაცვით და სოციალური პოლიტიკისა](#) და [ინფორმაციის ხელმისაწვდომობის პოლიტიკის](#) კონკრეტულ პროექტთან დაკავშირებულ დებულებებთან; და სადაც ეს რელევანტურია, აღნიშნულ პოლიტიკის დოკუმენტებთან ნებისმიერი შეუსაბამობის აღმოფხვრა და ბანკის მიერ მომავალი შეუსაბამობის თავიდან აცილება.

გთხოვთ, ეწვიოთ [პროექტის ანგარიშვალდებულების დამოუკიდებელი მექანიზმის ვებგვერდს](#), IPAM-ისა და მის მანდატის შესახებ მეტი ინფორმაციის მისაღებად, ასევე, იმის დასადგენად, თუ როგორ უნდა [წარადგინოთ მოთხოვნა](#) განსახილველად; ან დაუკავშირდით IPAM-ს ელ.ფოსტით ipam@ebrd.com, რომ მიიღოთ ინსტრუქცია და ინფორმაცია IPAM-ისა და მოთხოვნის გაგზავნის შესახებ.